

**Kerajaan Selangor Teliti Semula Pelan Pembangunan Untuk Tangani Banjir - Abdul Khalid Bernama
30 Mac, 2012**

KLANG, 30 Mac (Bernama) -- Kerajaan Selangor akan meneliti semula semua pelan pembangunan di Klang berdasarkan kejadian dataran banjir 50 tahun.

Menteri Besar Tan Sri Abdul Khalid Ibrahim berkata ini bagi membantu kerajaan negeri mejangkakan senario banjir paling buruk dalam tempoh 50 tahun akibat hujan lebat dan air pasang.

"Langkah ini perlu susulan beberapa kejadian banjir kilat yang melanda Klang hari ini iaitu di Kampung Delek, Teluk Gadong, sebahagian Pandamaran, Kota Shah Alam, Selat Kelang dan Taman Seri Andalas," katanya pada sidang media selepas taklimat keadaan banjir di Kampung Delek, dekat sini.

Mengulas lanjut, Abdul Khalid berkata beliau telah mengarahkan agensi berkaitan seperti Jabatan Pengairan dan Saliran, Jabatan Kerja Raya serta Majlis Perbandaran Klang menyediakan kajian terperinci mengenai perkara itu.

Katanya kajian itu akan dijadikan panduan dalam pembangunan tanah di mana kerajaan negeri akan menasihatkan pihak berkenaan tidak membangunkan sesebuah kawasan jika kawasan itu berdepan kemungkinan banjir.

---BERNAMA

Hakcipta © 2012 BERNAMA

Source: <http://www.bernama.com/bernama/v6/bm/newsindex.php?id=656063>